

Хьуна лаахь

Хьуна лаахь дуьне мел ду кьайлах,
Д1аг1ур ву со шолг1а схьа ца ва.
Хьуна лаахь зезаг хилла бай т1ехь,
Техкар ву со дахар хаздеш хьа. } 2р

Хьуна лаахь сирла седа санна,
1аьржа буйса мелла кьагаеш,
Соцур ву со лепаш сенчу стиглахь,
Хьо цхьаь массо вонах лар а еш. } 2р

Хьуна лаахь мелчу мохо санна,
К1ажарш д1асалестор ю ас хьа.
Хьуна лаахь маьлха з1аьнарш санна,
Йох еш бийр бу ас хьа дагна там. } 2р

Хьуна лаахь соьх хир шера аре,
Йа лам , йа бух боцу сийна х1орд.
Нагахь йодахь кьайле йина маре,
Т1улг а хилла дуьсар ду са дог. } 3р.